

北斗七元星燈儀

法事如式

伏聞

開明三景 九晨為梵炁之宗 回度五常 七政乃元綱之
首 定樞機於太極 司喉舌於圓穹 吐輝則調理四時
含耀而恢張萬範 三十六候 冥劫會於天關 一十二時
辯方維於地紀 紫微之上 拱帝座以彌高 黃道之中
布星躔而不忒 或旁行越位 正陰陽勃蝕之期 或召
運無輪 應日月推移之數 靈鑒而無毫不顯 淵通而有
類咸均 故得落死上生 煥丹文於南極 延齡益算 注
紫筆於東華 昭明積善之家 脗合降祥之慶 今某人夙
承妙廕 生遇昌時 荷帝念以采深 撫塵心而罔措 輒

北斗七元星燈儀

涵愜觀栗颯

邀真侶 恭啟仙科 點照

太上北斗延生星燈

法璇極以舒壇 布銀缸而建斗

紫煙縹緲 想華蓋以藏身

丹焰熒煌 迓勾陳而隱景

伏願

花開善瑞 燼落浮災 福祿增崇 發靈光於壽域

吉祥至止 靄沖炁於高閼 稽首歸依 虔誠讚詠

長生保命護身天尊

臣眾等志心皈命

樞宮大聖貪狼陽明真皇君 斗中神仙諸靈官

伏聞

飛晨合景 樞星掌劫會之權 司政糾非 陽明主璇璣之
運 上宰九天之化 中監五嶽之靈 下總人倫 旁分品
類 定死生之有命 鑒善惡以無私 今某人恭款芻心
虔依妙範 布斗極星辰之象 備香花燈供之儀

志心皈命

樞宮大聖貪狼陽明真皇君

伏願

回光啟耀 開寶鑒於靈圖

注祿添年 刻生名於玉簡

罪消昔劫 福蔭後昆 稽首歸依 虔誠讚詠

貪狼延生 回真四靈 流光下映 洞煥玄冥

七元紀籍 固侍體靈 靈真紀錄 上元衛形

北斗七元星燈儀

涵愜觀栗颯

魂魄長守 耳目無驚 攝衛扶命 胎真流行

保真自然 上昇玉京

臣眾等志心皈命

璇宮大聖巨門陰精真皇君 斗中神仙諸靈官

伏聞

星有五門 協三光而遠映 門開四照 合萬炁以騰輝
校天府之昇遷 主兆民之祿壽 委質難逃於淵鑒 通津
實賴於明梁 今某人葺事瑤壇 馳誠金闕 布斗極星辰
之象 備香花燈供之儀

志心皈命

璇宮大聖巨門陰精真皇君

伏願

身度千災 命延百福 天開神宇 炁集真元
碧簡題名 固長年於劫石
丹臺紀善 增壽算於靈椿
稽首歸依 虔誠讚詠 巨門度厄 高真靈仙
流光輝映 保命延年 七元主籍 自得長生
消滅艱危 災難移遷 臟腑開明 內外無愆
光運合景 與神同連 鍊化自然 上昇玉京
臣眾等志心皈命

璣宮大聖祿存真人真皇君 斗中神仙諸靈官

伏聞

偃息華蓋 徒知空步之明 潛洞太虛 莫測飛神之妙
八景九天之上 道契清籙以通真 五嶽四瀆之高 仙隸

北斗七元星燈儀

涵愜觀栗颯

黃臺而受事 矧茲下土 實仰餘光 今某人潔己齋盟

法為壇墀 布斗極星辰之象 備香花燈供之儀

志心皈命

機宮大聖祿存真人真皇君

伏願

慶葉遐年 福資浩劫

三千萬之甲子 地久天長

一十二之靈門 陽開陰閉

脩閑白日 宴味沖和 稽首歸依 虔誠讚詠

祿存保命 高真散神 正炁攝伏 侍衛敬賓

七元上籍 運致元真 流演靈明 契體洞津

永辟不祥 內守身形 削死上生 與神敷陳

保舉自然 上昇玉晨

臣眾等志心皈命

權宮大聖文曲玄冥真皇君 斗中神仙諸靈官

伏聞

星主淵冥 位司遊擊 隱微潛耀 領北帝之三宮 福善
禍淫 攝黑靈之五炁 或殄除凶勃 飛火甲於六天 或
剪馘不臣 耀朱兵於四鄙 凡居動植 皆出生成 今某
人灑落壇場 肅清塵垢 布斗極星辰之象 備香花燈供
之儀

志心皈命

權宮大聖文曲玄冥真皇君

伏願

北斗七元星燈儀

涵愜觀栗颯

削罪除愆 落九陰之鬼錄

拘魂制魄 得七返之仙方

行藏無非橫之虞 視息合太和之慶

承茲上善 永洽殊祥 稽首歸依 虔誠讚詠

文曲益算 流真散扶 光映下衛 與形同敷

七元度籍 洞煥玄無 鎮護精神 保衛形軀

威神可畏 真靈駕浮 明視表裏 與神齊俱

保鍊自然 上昇玉虛

臣眾等志心皈命

衡宮大聖廉貞丹元真皇君 斗中神仙諸靈官

伏聞

杳靄崑臺之上 交映七門 隱芒金蓋之輝 潛通二景

絳木結素華之實 瓊津凝冶鍊之膏 校錄上真 統攝鬼神
神之簿 提綱下學 權輿生死之機 今某人澡雪襟靈
遵承科簡 布斗極星辰之象 備香花燈供之儀
志心皈命
衡宮大聖廉貞丹元真皇君

伏願

善履三元 削三災於短景
順迎五運 植五福於探根
或在仕登榮 盡繼清崇之世
或行商坐賈 皆為富盛之家
稽首歸依 虔誠讚詠 廉貞消災 四明開陽
上靈散輝 洞映神光 七元衛籍 司命延昌

北斗七元星燈儀

涵愜觀栗颯

明上紀名 使我綿長 保固身命 除凶去殃
神真吐威 流演洞鄉 剋攜自然 上昇玉堂
臣眾等志心皈命
闔陽宮大聖武曲北極真皇君 斗中神仙諸靈官

伏聞

玉樓炳景 隱飛華宸極之星 瓊簡璨文 紀迴度空常之
道 定法輪之階級 考至學之功勤 飛芒耀於八門 無
幽不燭 擲流光於萬里 有礙皆通 今某人委跡塵寰
宅心道域 布斗極星辰之象 備香花燈供之儀

志心皈命

闔陽宮大聖武曲北極星皇君

伏願

一念關陞 萬靈佑序
瀉銀河於碧漢 克注遐年
聳臣嶽於瑤空 永躋上壽
姻親和睦 嗣族歡娛 稽首歸依 虔誠讚詠
武曲散禍 玄映除凶 三光煥照 萬炁流通
七元注籍 列位斗中 檢身護命 災難不逢
上皇保真 命祿無終 正道長存 與神無窮
保命自然 上昇玉宮

臣眾等志心皈命

瑤光宮大聖破軍天關真皇君 斗中神仙諸靈官

伏聞

天迴地轉 瑤光推空洞之輪 斗建星躔 虛皇紀運行之

北斗七元星燈儀

涵愜觀栗颯

度 位尊上帝 威制群魔 正炁所臨 萬物遂生成之性
飛罡所指 百邪無逃遁之形 今某人滌垢舒壇 披誠
奉教 布斗極星辰之象 備香花燈供之儀

志心皈命

瑤光宮大聖破軍天關真皇君

伏願

道契丹臺 南斗注長生之字
罪消幽府 北都詮不死之名
四序營為 盡葉光華之慶
全家視履 咸沾清淨之風
稽首歸依 虔誠讚詠
七元覆護天尊

破軍扶衰 運致玄真 南司保生 延壽體寧
七元典籍 靈真榮名 列位上仙 合慶連并
丹靈散光 洞入玄冥 騰霄飛翔 與神同齡
保命自然 上昇玉庭

北斗七元星燈儀竟

天運壬辰年卯月正一天師清微弟子洪鼎堅羅大英恭錄彙編

趙靈麗複校

北斗七元星燈儀

涵愜觀栗颯